



ԵՐԵՎԱՆԻ քԱՂԱՔԱՊԵՏ ԿԱՐԳԱԴՐՈՒ ԹՅՈՒՆ

ՀՀ, 0015, ք. Երևան, Արգիշտիի 1

№ 444-Ա

« 18 » ապրիլի 2025թ.

ԾԻԾԵՌՆԱԿԱԲԵՐԴԻ ՀՈՒՇԱՀԱՄԱԼԻՐԻ ԱՅՑԵԼՈՒՆԵՐԻ ՏՐԱՆՍՊՈՐՏԱՅԻՆ ՍՊԱՍԱՐԿՈՒՄԸ ԿԱԶՄԱԿԵՐՊԵԼՈՒ ՄԱՍԻՆ

Երևանի քաղաքապետի 2025 թվականի ապրիլի 15-ի «Հայոց ցեղասպանության զոհերի հիշատակին նվիրված միջոցառում կազմակերպելու մասին» հ.1411-Ա որոշման 1-ին կետի 6) ենթակետի կատարումն ապահովելու, 2025 թվականի ապրիլի 24-ին Հայոց Մեծ Եղեռնի զոհերի հիշատակի օրվա կապակցությամբ Ծիծեռնակաբերդի հուշահամալիրի այցելուների տրանսպորտային սպասարկումը կազմակերպելու նպատակով.

1. Հանձնարարել «Երևանտրանս» ՓԲԸ-ի և «Երևանի ավտոբուս» ՓԲԸ-ի տնօրեններին՝ «Երևանի ավտոբուս» ՓԲԸ-ի ավտոբուսներով և միջոցների հաշվին կազմակերպել Ծիծեռնակաբերդի հուշահամալիրի այցելուների անվճար փոխադրումը (հետագայում Երևան համայնքի միջոցներից փոխհատուցման հնարավորությամբ) «Հրազդան» մարզադաշտին հարող տարածքից, ժամը 8³⁰-ից մինչև 22⁰⁰-ն, հետևյալ երթուղիներով.

հ.1 երթուղի - «Հրազդան» մարզադաշտ - Աթենքի փողոց - Հաղթանակի կամուրջ - Արգիշտիի - Իտալիայի - Խորենացու - Ագաթանգեղոսի փողոցներ - մետրոպոլիտենի «Ջորավար Անդրանիկ» կայարան:

Հետադարձը՝ Ագաթանգեղոսի - Գր.Լուսավորչի - Արգիշտիի փողոցներ - Հաղթանակի կամուրջ - Աթենքի փող. - «Հրազդան» մարզադաշտ:

հ.2 երթուղի - «Հրազդան» մարզադաշտ - Ծիծեռնակաբերդի խճուղի - Լենինգրադյան - Կիևյան փողոցներ - մետրոպոլիտենի «Բարեկամություն» կայարան:

Հետադարձը՝ նույն ուղեգծով:

2. Հանձնարարել Երևանի քաղաքապետարանի աշխատակազմի լրատվության վարչության պետին՝ սույն կարգադրության մասին զանգվածային լրատվամիջոցներով տեղեկացնել մայրաքաղաքի ազգաբնակչությանը:

3. Սույն կարգադրության կատարման կազմակերպումն ու պատասխանատվությունը դնել Երևանի քաղաքապետարանի աշխատակազմի տրանսպորտի վարչության պետի, «Երևանի ավտոբուս», «Երևանտրանս» ՓԲԸ-ների տնօրենների վրա:

4. Կարգադրության կատարման ընթացքի նկատմամբ հսկողությունն ապահովում է Երևանի քաղաքապետի տեղակալ Սուրեն Գրիգորյանը:

ՏԻԳՐԱՆ ԱՎԻՆՅԱՆ

